

鶴山先生大全文集

二十

重校鶴山先生大全文集卷之九十

自菴類纂

祭文

哭杜威州文

嗚呼天下之生夭壽並區吉凶同域莫可終詰也歲在丙寅余校中祕書余友虞仲易及楊節毅公以書郵余曰子未有室成都杜子仁端人也其親知皆天下賢士今其子長矣子盍妻諸余未及報尋丐守漢嘉以歸明年還里余以虞楊之言宜信不復他求昏又明年而委禽焉禮成之夕公與余表叔父一見投分不翅平生僅踰月公死則元年三月也叔父常悵悵念之踰年始獲拜公像于成都哭之慟又踰月

而叔父死則二年之三月也相望各旬歲安知其遂
相從於九原也與哉余與婦各執喪于服舍卒卒之
懽曾不盈晷而無涯之戚殆將終身尚安用生斯世
也與哉去冬余葬余叔父銜茹荼毒曾未數月而公
之子今又以公之即幽之日月告憂患摧心精力遐
漂靡所濟集益覺歲月適卒人命危淺嗚呼余永無
望也與哉衰制收繫義不得先往以聽役於將事者
亟馳薄奠姑識余衷儻未即溘去或能援我吊也與
之義夢鷄曳素臨封宰上爲公一哀而出涕也言不
能文神鑒之哉

代哭楊端明輔文

—

復引疾求謝夏五月至京口秋七月除兵部尚書
兼侍讀未及造朝除龍圖閣學士知建康府赴
鎮旬有九日大星隕于府公不起疾詔以端明殿
學士致仕尋贈光祿大夫三年七月庚寅其孫令
圭以公之喪返自建康四年八月壬寅葬于小谿
縣落星山竊惟公平生淑德茂行出入中外幾五
十年有誄有銘有功狀有卹章有奉常之謚有史
氏之策雖如余之晚陋亦嘗附於前五人之末者
知公不爲不詳而亦安所措詞也獨原公之心人
所不及盡知者爲辭以哀之曰

桂樹兮交槍谷陬兮澗涯芳菲菲兮羅生遠迢迢兮

孤枝日杲杲兮扶桑招美人兮雲旗濯春暉兮暄和
驟景馭兮赫戲步蘭皋兮止息遵大道兮逶遲鼂夷
猶兮索胡繩莫容與兮畦留夷老靈脩且焉服媚兮
胡爲乎庭之麋歷靈辰兮園丘款清德兮神娛埒其
征兮有任之微不可殄兮維民之彛心戚戚其未安
兮目炯炯而懷疑胡椒櫟之充幃兮荃不得揆余之
思嘿遐情而涕洟兮蹇不留而空歸盥余纁兮跢丘
女婉孌兮調飢輟余榜兮漢廣方余柑兮涪之湄荃
不余遺兮敕蹇脩以下詒蹇蒼波兮于逝望重華兮
敝詞風颺又兮助余以太息嗟長纓之浪清兮不覺
涕之橫臆瞻睖葛兮日極歛郵傳兮孔棘紉又噬兮

夜編梟橫絕兮晝黑塞杜若兮涂潦顙水芝兮茅塞
命不可說兮或推而還蜀無他揚兮濟事以權弭余
節兮舊服盥赤子兮安眠鎮幾事於不容髮兮此無
素而能然莫吾知兮膏鬱誰陳獨我眷兮天王聖明
紉蕙纓兮余戶將以遺夫友朋舟流乎莫屈行邁兮
靡臻遺余玦兮明譏畀余鑰兮陪京期不可兮時並
路漫漫兮重陰狹啾啾兮鶴飛鳳冥冥兮雨淋瀝患
兮肝傷往孰與兮今斯今

哭袁參政說友文

嗚呼耆臣宿弼在今幾人日替月零如星斯晨維建
安公蚤事阜陵揚歷中外今三十春歷從入藩翊樞

佐衡維忠依純維夏斯楹萬日喁喁白麻在廷引疾
求謝午橋幅巾人侯公歸帝圖乃塵天不憖遺胡喬
厥齡遠道折軸扶桑成新逝如可贖何直百身如壁
等輩生長西嶠自公之西實瞻我儀粵來周行日晡
袞衣一去不復今將疇依莫往予哭變陶余思一奠
矢誠終古之違

哭楊寶謨

震仲文

國朝以仁厚遇士大夫以禮義嬰臣節故士之處變
率能隨事著見見賊之變馬遂死之邕賊之變孔宗
旦趙師旦曹觀死之睦賊之變彭汝方詹良臣死之
僞楚陟虜以窺僭吳又夫死之僞齊引虜以陷大名

郭衆死之後此者八十年而興賊附虜以叛公死之
雖然公非諸公比也或向賊不屈或臨陣死守而公
未有所迫也責望猶後於時賢也以藐然孤蹤任六
十州向背之機明萬世君子之分僞檄之來引義語
索史寄聲訣家人而後屏人閉閣飾巾待終從容就
義如往如歸由是而爲士者迺知所決擇也則視前
諸公爲尤難也公非以一死爲諒也節義之稱不著
於平世非無也欲惡有其於生死者非獨賢者有是
心也義在生則生義在死則死賢者亦率吾性素其
位慊於中而行之以爲人所當爲者耳況在臣子本
無毫髮過分事也世降道微義理不競而士之拔然

自立不汙不屈者則昭昭然揭節義之稱於天下矣
間有遇患難而能真知實見爲君史一死則又絕無
而僅有矣是雖出於世降道微脫併是而無之則亦
無以爲國矣能始終聽命於天地而不貳者矣紀天
彝而扶人極立世教以奠民志皆在是矣有國家
者無使全身失節者終其奉而賁忠入地者重不幸
則可以正邦矣幸不幸則固有任之者矣某夙荷公
知歸自萬里弔公獨後雖然公不亡矣吾知勉矣

哭趙廣安豆文

嗚呼君平余之妻之母之弟也昔在辛酉余僉判西
川君亦來介漕事始獲拜君子成都風規峻嚴氣象

開偉一見固心降焉而文聞親友間具言忠孝實德
古訓是師迂淡事業寵利莫撓則益起敬願交焉君
亦以意氣相許九二年欵從未始三日不聚首輒輒
移晷往往開醪命炙饒壽蟄毛擷醇注芳務廣採采
循高洛關輔之源流以上邇沫泗之傳其爲學蓋參
觀徧考而據之以正歷覽博識而會之於約每使人
惕然有寡陋固滯之愧癸亥之秋余將造朝君亦
解漕屬且別復相謂曰昔者俱以職事不獲亟會
露囊臆今皆在行將爲無相見期之別而舍我去乎
方軌齊驅度萬松岡臨流釀酒飯于東門之圃累日
搜郭外山水勝處不主于君則賔于我于飲于遊于

釣于休蓋數日不能去君旣先余首塗出蕭寺飲之
酒日視暫暫耳語刺刺持我母去曰余歸杜門求吾
事以期無墮吾世焉耳矣而子也方爲世用其正學
之務母負而志來日浩漣子行勉之其數以書來母
我翦棄余惟其言之衣不忘以況今三年同行逮得
外補還至荊州猶得君手書燁燁累紙陳義悃悃且
言宿疾幸少間或尚堪作州余持以自慰曰吾歸復
得吾良師友矣正學立朝無負吾志固皆吾所當爲
然獨幸名場利區免於顛蹶可持面以見君無憾矣
舟未至聞雋唐手吾婦翁書以君之赴來且曰夙有氣
疾自聞叛亂憤廢寢食而疾劇以至死烏乎傷哉悠

悠蒼天此何人哉呼巫陽而莫前頽大江而長號自
今蔽誰余之啓而各誰余之釋哉豈惟余之莫獲從
也習往聖之格言燭義理之正宗如君者能拔然自
立於頽俗末學之中其於西南人士亦所少見者矣
吁余今安所復實也矣河山載邈斂莫余待寔莫余
送奠羞告虔悲惋猜臆豈獨親舊之情潮哉嗚呼哀
哉

哭女壁海文

嗚呼歲在癸亥汝生千成都汝母以產餘感疾而殂
時吾已得學官之除亟解僉幕偕汝護汝母之喪以
歸既葬挈汝造朝明年至臨安吾屬汝姊謹視汝

時汝飲食冀汝長在吾側則猶汝母之存也連九月
汝以脾弱因致風癰吾親爲問藥又使醫者王永年
診汝旣少間吾仍入太學考試謂當無他不一二日
汝叔翁以書來云汝疾作吾歸省狀則已不可爲矣
猶守汝藥汝數日而卒寓汝于僧舍後二年吾丐守
漢嘉不忍使汝與我偕東而捐汝於萬里也使人負
汝以歸越二年戊辰正月甲子允汝母之墓之左藏
焉吾行負神明使汝矣闕痛傷奈何汝其有知其歆
此莫以從母於九京也

家廟祭文

維開禧四年戊辰二月辛丑朔越五日乙巳孝孫某

等謹以牲脯酒茗之奠致祭于皇叔妣孺人高氏鳳
娘子先伯父南五郎伯母趙氏五娘子先叔父鄉貢
進士南九郎叔母高氏愛明娘子窀穸之靈嗚呼自
葬我先大父于今三十有五年先大母爲壽家其旁
昔者嘗有治命于我諸父曰我死則合葬于是以從
汝父于九原也後十四年大母即世不幸天降割于
我家疫癘相尋自是喪祭疾病無尋日明年四月伯
母繼卒旣逾時不舉而陰陽家者流遂得以拘忌之
說肆今年曰山頭不白白矣明年曰隧道不明明矣
又明年曰墓龍不出出矣又明年復曰中宮不空家
蓄一書人持多喙雖皆誕謾不根而人所共疑不敢

獨異編歲歷撰事曰益繼越六年辛亥而伯父卒越九年癸丑而叔母卒越十四年庚申而叔父卒是歲伯父之爲族人後者亦卒至是而諸父之存惟後高氏者一人某等因自惟念自大母下世兄弟長者其次者齒幼者穉今有室有家有祿有子矣使父祖淹延西序之攢而子孫食稻衣帛尚有顏面以生斯世乎爲父祖尚安用此不肖孤乎亦欲置棺忌不問以惟事之早濟或又謂澤鄉沮洳坎隄又擗公啓之以納後喪設有圯頽咎將誰執乃稽之禮經酌之人情而又考諸書神龍故事將合葬后于乾陵嚴善思謂尊者先葬卑者難復於後開入乞於乾陵之旁更擇